

洗 幹 持



呂文成



拍和員

陳恭鸞	鑼	喉管英	麥少峯	椰胡
蔡湛	掌板	尹自重	梵鈴	鄺儀標
馮信權	鈸	宋郁文	三絃	文打連
			大 僂	秦琴

(頭段) (慢中板旦唱) 深閨鎮日停針繡 自憐多病與多愁 對菱花 容顏瘦 春光盡 却難留 我手把花鋤 和花帚 我為憐花謝
暗呀籌謀 (二段) (白) 唉吔 寶玉爾係處造乜野啣 (生笑白) 唉啱晒咯妹妹 (滾花唱) 爾睇滿地落紅 好似拋殘錦繡 (插白)
你俾個花帚我喇 (唱) 等我掃除片片 任佢向東流 (旦白) 唉吔 噉樣唔好嘅 (唱) 若果任逐東風 我就難尋究 (生插白) 噉你又
點呢你又 (旦唱) 不若一坏淨土葬香坵 (生白) 係喇噉重好添 (轉打牙牌小曲旦唱) 葬香坵 (生唱) 把花收 (旦唱) 有限春光花
盡透 (生唱) 令人倍添花落愁 (旦唱) 半添花愁 半自愁 (生唱) 落未休 (旦唱) 願花他年復並頭 (二流) (生唱) 花若有情
(三段) 花再秀 (旦接唱) 花如有淚 (轉滾花) 洒芳坵 (生唱) 一王) 落花天 人憔悴 香斷紅消為花消瘦 (旦唱序) 我更加難抵受
(唱曲) 恨春殘 憐春暮 你鮮妍明眉經已落盡枝頭 (生唱序) 况且去又難留 (唱曲) 花正開 好比才子風流就有千般靈秀 (旦唱)
到花謝 又似佳人遲暮 真係萬種幽愁 (白) 唉吔 寶玉乜你淨係願得講 唔願得掃噉 (生白) 哦等我躉低部書嚟幫爾手喇 (旦
白) 爾部乜野書嘅啣 (生驚白) 冇冇冇不過大學中庸之類啣嗎 (旦白) 呀爾鬼怪嘞 (生白) 點呢點呢 (旦白) 爾都有睇大學中庸嘅
(生白) 哦 (旦白) 快的畀過我睇吓 遲的你就不得了嘅囉 (生白) 唉吔呀妹妹 第二個睇我就話唔畀嘅咯 之你你亞妹妹話要睇
咯 之就有乜所謂呀 點點就點囉囉嗎 之呢部書呀 認真好文章囉 你睇過呀真係飯你都唔記得吃嘅咯 (旦白) 睇吓西廂記啣嗎
(生白) 淨係個個名就經已好聽咯卦 (旦白) 咪嘈喇 (中板唱) 我見西廂將佢慢慢讀完覺得餘香滿口 (四段) 真正係無窮趣味 我重猶
記在心頭 (生唱) 喂最緊要睇之時 你就千祈唔好洩漏 (旦唱) 之若果我講過舅父知到 怕你一刻難留 (生白) 喂喂喂咪呀咪呀 唉吔咪
畀番我罷 唉吔你唔揸得住嘅嘞 (旦白) 睬慌死唔得切就搶番 你估我真係嘅咩 (生白) 咪嘞咪嘞 (士工滾花) 呢的咁嘅書你睇唔睇都罷
就 (旦白) 唉吔 你就睇得我就唔得個咯囉 (生白) 咁又冇所謂嘅 (唱) 你就傾國傾城 我就係多病多愁 (旦怒白) 唉吔乜野話 你搵
的噉嘅說話嚟欺負我呀 我去話畀亞舅父聽至得 (生急白) 喂喂喂妹妹咪走自 我若有心欺負你呢 我就變隻大烏龜 等你將來做一
品夫人嘅時候我同你擔高脚牌噉樣好咯卦 (旦笑白) 嘻嘻 (唱) 唉噉當堂嚇到你窒口 吓 原來你一個銀樣臘槍頭